



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

XXXII [i. e. XXXIII]. De his qui minores ordines & subdiaconatum vel duos
sacros simul recipiunt.

urn:nbn:de:hbz:466:1-20006

TITULUS XXXIII.

De his qui minores ordines & subdiaconatum vel duos sacros ordines simul recipiunt.

Idem Episcopo. . . & Abbatii sancte Leucadie.

Accedens ad præsentiam nostram dilectus filius D. pauper sacerdos sua nobis insinuatione monstravit quod cùm primos quatuor ordines & subdiaconatum à bonæ memorie Exoniensi Episcopo insimul receperisset, & postmodum, eodem defuncto, à successore ipsius in Diaconum fuisse promotus, ac demum ipso defuncto, à venerabili fratre nostro Exoniensi Episcopo fuerit in Presbyterum ordinatus, quia eidem Episcopo fuit quorundam relatione suggestum ipsis præfatis quatuor ordines & subdiaconatum insimul receperisse, eum officio beneficioque privavit, licet dilectus filius P. Capellanus sanctæ Mariæ de Barrinovo in præsentia tua, frater Episcope, testimoniū perhibuerit quod tot simul idem sacerdos recepit ordines, de ordinatoris sui beneplacito processisse. Cùm igitur in hoc præfatus sacerdos dinoscatur potius ex ignorantia quam astutia deliquerisse, præsertim cùm ordinator suus eidem insimul duxerit tot ordines conferendos, & secundum Apostolum facilis consequi valeat indulgentiam quoniam ignoranter deliquerit, discretioni vestrae per apostolica scripta mandamus quatenus præfato Presbytero, si verum est quod proponitur, officium beneficiūque faciatis restituī, nec permittatis propter hoc à quoquam molestatione indebita fatigari.

Idem E. Mutinensis Episcopo & magistro Vb. Theologo Subdiacono nostro Modicenſi Canonico.

Cap. 33. de temp. ordin.

Literas vestras recepimus responsivas super inordinata ordinatione A. Imolensis electi, quem G. Bononiensis Episcopus præcedenti sabbato in Diaconum, & sequenti Dominica continuato jejuno in Presbyterum ordinavit, in quo quantum uterque deliquerit, evidenter intelligit qui prudenter attendit. Si enim utrumque ordinem eodem die illi conferri non licuit, pari non licuit ratione unum ordinem uno die & alterum altero jejuno continuato conferri, cùm propter continuationem jejuni fictione canonica, sive mane diei do-

Tom. I.

minicæ trahatur ad sabbatum, sive vespere sabbati ad diem dominicam referatur, profectò mane cum vespера, seu vespéra cum mane, ad eundem diem pertinere dicetur. Nam si, quantum ad hunc necessitatē articulū pertinet, mane ad unum diem, & vespere referretur ad alterum, cur efficit continuatio jejuni necessaria, cùm & sabbato ante cœnam & dominica ante prandium intelligamus esse jejuni? Ne autem si factum hujusmodi sub silentio transiremus, id alij licitum reputantes similia facere attemptarent, & sic facti perversitas traheretur à posteris in exemplum, præfatum Bononiensem Episcopum, ut puniatur in quo deliquerit, à collatione diaconij scilicet & presbyterij, alterum vero ab executione sacerdotalis officij volumus manere suspensus, donec de ipsis aliter disponamus. Ut igitur mandatum apostolicum debitum consequatur effectum, per apostolica scripta mandamus quatenus quæ premissa sunt faciatis tam ipsis Episcopis quam per Bononiensem & Imolensem dioceses publicari.

TITULUS XXXIV.

De his qui favorem præstant pugnantibus, & homicidiis sponte vel non sponte commissis.

Idem Nidrosiensis Archiepiscopo.

Quod in dubiis &c. Et infra. Sane lib. i. epist. 381. consuluit nos tua fraternitas quid de Presbyteris sit agendum qui gubernant naves ad pugnam, & his qui alios incitant, sed non pugnant. Ad hæc fraternitati tuæ taliter respondemus, quod quia tam sacerdotes qui gubernant naves ad pugnam, quam qui personaliter exercent pugnæ conflictum, & hi qui alios incitant ad pugnandum, enormiter peccant, de rigore canonico credimus deponendos.

Idem Archiepiscopo & Archidiacono Senonensi.

Exposuit nobis dilectus filius M. Presbyter de Stabulis quod cùm olim invitatus à quibusdam pueris de manu unius illorum arcum repperit & sagittam, & eam dirigere voluerit in arborem quæ obstabat, manu errante, sagitta eadem discurrens per aërem puerum quendam valde distantem modicum vulneravit in capite, propter quod idem puer postmodum creditur expirasse. Quod cùm idem Presbyter bona memoria G. prædecessori tuo,

FF ff